

المجله محررات در سعادت پسته خانه سینه
تصوف جریده سی نامه کوندر لیلیدر
قوطو نومروسی ۱۴۳

تصوف

صاحب امتیاز و سر محرری
اورفه مبعوثی

شیخ صفوت

مرکز توزیعی باب عالی جاده سنده
جمعیت کتبخانه سیدر

نسخه سی ۲۰ یاره در

شرائط اشترا

سه لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

التصوف کله آداب : ابو حفص عمر بن مسنده

عرفای اتمک مقالات عارفانه لرینه تصوفک صحیفه لری آجیقدر

تصوفه متعلق مباحث شتادن باحث و مکارم اخلاق اسلامیتک تعمیمنه خادم مجله معنویه در

مراقبه

مراقبه : عالم السر و الخفا یا جل و علا حضرت تلیزینک
ظاهرأ و باطناً بوتون حاکم سکناتره ناظر و مطلع
اولدیفنی علی الدوام ملاحظه دینلیر که : مقام احسانه
خاص اولان شهود معنی مه سندن عبارتدر . مقام
احسان : ایمان و اسلامک بر سینه مسعوده سیدر که احادیث
صحیحه نبویه ده (الاحسان ان تعبد الله کانک تراه فان لم
تکن تراه فانه یراک) حدیث شریفله تعریف بیورلمشدر
یعنی احسان : حق تعالی حضرت تلیزینی کورور کچی عبادت
ایتمک کککدر : سن انی کورم یور ایسه ک او سنی کور یور
دیمکدر . ایشنه تعالی و تقدس حضرت تلیزینک دائماً بزی
کورمکده اولدیفنی ملاحظه ایتمک مراقبه نک اساسیدر .
بو حالت روحانیه : انسانی هر درلو مهالک غفلتدن محافظه
ایله بوتون حرکات و سکناتی رضای اقدس الهیه به
توفیق ایدیرمکک بر قوه معنویه در . زیرا هر بر مؤمن
مکلفک مادامت الحیات بوتون افعال و اعمالی احکام شرعیه نک
دائرة شمولنده بولمقله هر هانکی بر وظیفه و مسلکده
اولورسه اولسون شرائط لازمه یله مراقبه به دوام ایلدکجه
عنایت ربانیه ایله هر حال و محله دائماً رضای اقدس
الهی به موفق اولور . بو مرتبه جلیله نک شرط اعظمی

ایسه (وحاسبوا قبل ان تحاسبوا) حدیث شریفه امتثالاً اولاً
انسانک کندی نفسیه محاسبه قطعیه سنی رؤیت ایتمکدر .
سن مکلفیتدنبری حیات ماضیه سنی مدققانه بر نظرله تفتیش
ایدیرک حقوق الهیه و حقوق عبادیه تجاوزلرده بولنش
ایسه توبه و استجلال ایله بوتجاوزلرک سیئاتندن دفتر
اعمالنی تطهیر ایلدکدن صوکره هان آداب عبودیتک
الزامیه خالصاً و مخلصاً جانب اقدس الهیه به متوجه
اولیاندر : مراقبه نک کلشنسرای سعادتنه ظفریاب دخول
اولامارلر . بو کلشنسرای سعادت آنجیق توبه و محاسبه
قایولرندن یکن و بصورتله هر درلو غل و غشندن پاک
و آزاده اولان سالکان طریقت ایچون کشاده در که بونلر
بودائره نورانیه داخلنده رعایت مقدسه ربانیه برکاتیه
ظاهر و باطنده دائماً طهارت و عصمتلرینی محافظه ایدرلر .
اهل مراقبه نک دائماً رعایت مقدسه ربانیه به مظهریتلرینی
یردرجه به قدر ایضاح ایتمک اوزره سادات صوفیه حضراتی
سلطان محمود سبکتکین ایله کوله سی ایا زک بروقه عیرت
آمزینی تمثیلاً ایراد ایشلر در : سلطان مشارالیهک
بندکنی آره سنده ایا زدن ده شجیع و ذکیلری موجود
ایکن جمله سندن زیاده مومی الیهک توجه پادشاهی به مظهریتی
اسبابی بعضی امرا طرفندن استفسار ایدلش ایسه ده
سلطان محمود جواب ویر مامش ایدی . برکون انسانی سفرده

بیکرجه خدم وحشمیله برطاغ اتکندن کچوردی. طاغک اوزرینه قار یاغمش ایدی. سلطان محمود باشی چورمش. طاغک اوزرینه باقش ایسهده برشی سولماش ایدی. ایازایسه دائماً سلطانک احواله مراقب بولدیقدن سائقه فراسنله طاغک اوزرندن آلدینی بر مقدار قاربازچه سنی حضور سلطانی به تقدیم ایلمی اوزرینه آرزوسنی نصل کشف ایتش اولدیغنی سلطان مشارالیه سؤال ایدنجیه: پادشاهم! آرزو کزی نظرهایونکزدن اکلادم چونکه بیوکلر هیچ برشیته عبث اوله رق نظر ایتزلر. دیمش و بونک اوزرینه سلطان محمود امراسنه خطاباً: ایازی دیگرارندن زیاده سودیکمک سبی ایشته بوحالدر هر کس کندینه عائد برمشغولیتده بولنورکن اودائما بی مراقبه ایتکله، شغول اولور. دیهرک توجهات زائده سنک اسبابی بیان ایشدر. شیخ فریدالدین عطار حضرتدری اشبو:

کرتو هسقی مرد دین وحق شناس
بندگی کردن بیاموز ازایاس

بیت ناصحانه لریله وقعه مذکورده به تلمیح بیورمشلردر
طریق علیّه صوفیهده: مراقبه معیت، مراقبه صمدیت
و مراقبه وحدت کی مراقبه نک انواع ودرجاتی واردرکه:
یونلری حالاً و ذوقاً بحق ادک وایفایده بک هر حالده
برمرشد کامل وشیخ مکملک تربیه روحانیه سنه متوقفدر
والله بکشی علیم.



اصطلاحات صوفیهدن:

عوالم کلیه

لسان تصوفده عوالم کلیه دینیان دوائر سیر وسلوک
بش قسمه منقسمدر.

برنجیسی (عالم ذات) درکه جمیع اسماء وصفاتک
مستهلک اولدینی مرتبه احدیته اطلاق اولنور بوعالمه:
لاهورت، هویت غیبیه، عین الجمع، غیب مجهول حقیقه

الحقایق، مقام اوادنی، غایه الغایات ونهایت النهایات دخی
دینیلور اصطلاحات صوفیهدن (شئون ذات) و (حروف
عالیات): بو مرتبه نک دائره شمولده مندمج اولان
حقایق موجودانه اشارتدر.

ایکنجیسی (عالم صفات) درکه اسماء وصفات
الهیته نک ظهورایلدیکی مرتبه واحدیتدن عبارتدر بوعالمه:
جبروت، برزخ البرازخ، برزخیت اولی، مجمع البحرین،
قاب قوسین، محیط الاعیان دخی دینلمشدر. بومرتبهده
حقایق موجوداته (اعیان ثابته) نامی ویریلور اشبو
مرتبهده اعیان ثابته استعداد وقابلیتلی نسبتده صفات
ربانیته نک تجلیات رحمانیه سیله نصیبه دار فیض انسیت
وسرمت صهای محبت اولمشلردر. سلطان العاشقین
عمر ابن الفارض قدس سره حضرتلری قصیده خمریه لرنده:

شریفا علی ذکر الحبيب مدامة
سکرنا بها من قبل ان یخلق الکرم

بیت عارفانه سیله اونشوه مقدسه به اشارت بیورمش
وصفای لطافت بخشایده:

صفاء ولاماء واطف ولاهوی
ونور ولانار وروح ولاجسم

بیت حکیمانه سیله تصویر ایشدر. بوزم انسا انس
روحانیدن مفارقتده عالم جسمانی به هبوط ایلیان نفوس
زکیه دائماً اووطن اصلی معنوی نک حسرت عاشقانه سیله
نالان اولمشلردر. مولانا جلال الدین رومی قدس سره
حضرتلری نک مثنوی شریفده:

بشنوازی چون حکایت میکند
از جدایها شکایت میکند

فاتحه مرشدانه سیله باشایان مقدمه مبارکه سننده بیان
بیوردقلری احوال اشتیاق: اعیان ثابته نک بونشأت
عنصریهده عقول و نفوسی نالان ایلیان نفیر اشواقدر.
وطن اصلینک یاد و تذکاریله نفوس زکیه نک اشواق